



INATSISARTUT

Aningaasaqarnermut Akileraartarnermullu Naalakkersuisoq

Ulloq: 9. oktober 2023

J.nr.: 01.31.06/23-01045

Aningaasaqarnermut Akileraartarnermullu Ataatsimiititaliap tallimanngornermi ulloq 6. oktber 2023-mi aalajangiineranik Naalakkersuisunut ilisimatitsineq.

**Peqqinnissaq pillugu Ataatsimiititaliarsuup isumaliutissiissutaanik malitseqartitsinis-
samut aningaasanik atugassannortitsinissamut ilassutitut aningaasaliissuteqarnissaq.
Ataatsimiititaliaq suliaa nr. 01.31.06/23-01045.**

”Naalakkersuisut **inassutigaat**,

- kontumut pingaarnermut, 34.01.01 Peqqissutsimut Naalakkersuisoqarfik, aningaasa-
liissutit 2023-mi 1.200.000 kr.-nik ilaneqassasut
- kontumi pingaarnermi, 20.11.70 Suliniutinut nutaanut sillimmatit, aningaasaliissutit
2023-mi 1.200.000 kr.-nik ilanngarneqassasut”

Aningaasaqarnermut Ataatsimiititaliap oqaaseqaatai apeqqutaalu

Apeqqut 1:

Ukiuni tulliuuttuni aningaasaqarnikkut kinguneqaataajunnartut ilassutitut aningaasaliissute-
qarnissamik qinnuteqaatini tamani allassimassasut missingersuutit pillugit malittarisassani
allassimavoq. Naalakkersuisut paasissutissiinerat malillugu suliniummut suleqataasussatut
atorfiit 31. juni 2026-mi atorunnaassammata ukiuni tulliuuttuni aningaasaqarnikkut kingu-
neqaataajunnartut aningaasanut inatsisissaq tulleg aallarnerfigalugu aningaasanut inatsim-
mut ilanngunneqarnissaat Aningaasaqarnermut Ataatsimiititaliamit naatsorsuutigineqarpoq.
Pissutsit tamakku Naalakkersuisut isummernissaannut tunngavissiami aningaasatigut
kingunerisassat ataanni paasissutissiissutigineqartarnissaat ataatsimiititaliamit kissaatigi-
nartinneqarpoq.

Apeqqut 2:

Konto pingaarnermut 34.01.01-imut, Peqqissutsimut Naalakkersuisoqarfimmut tunngasu-
mut, missingersuutitut ilanngussami, suliamut ilanngunneqartumi, ima paasissutissiiso-
qarpoq:

*“Aningaasaliissutit ilaneqarnerat kontumut pingaarnermut, 20.11.70 Suliniutinut
nutaanut sillimmatit, aningaasaliissutit amerlaqataannik ilanngarnerisigut aningaasa-
lersorneqassaaq, matumani peqqinnissaq pillugu ataatsimiititaliarsuup isumaliutis-
siissutaanik malitseqartitsinissamut 2023-miit ukiut tamaasa 1,2 mio. kr.-t immik-
koortinneqarsimallutik.”*


Aningaasaqarnermut Ataatsimiititaliamit naatsorsuutigineqarpoq konto pingaarnermut 20.11.70-imut, suliniutunut nutaanut sillimmatinut tunngasumut, paasissutissiissutigineqartutut aningaasat taaneqartut tassaasut 3,4 mio. kr.-it.

Ataatsimiititaliap siuliani oqaaseqaateqarnerata kinguneranik ilusiliinikkut allannguutit pillugit ilisimatinneqarnissaq Aningaasaqarnermut Ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangerera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Ataatsimiititaliaq sinnerlugu



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua